

ԱՏԵՆԱՌՐՈՒԹԻՒՆ

Ս. ԵՐՐՈՐԴՈՒԹԻՒՆ ՀԱՅՑ. ԱՌԱՔ. ԵԿԵՂԵՑԻՈՅ

Տ ԱՐԵԿԱՆ ԾԽԱԿԱՆ ԺՈՂՈՎԻ

Կիրակի 25 Յունուար 1976.

Թորոնթօ

.....

Սուրբ Երրորդութիւն Հայց. Եկեղեցւոյ տարեկան ծխական Ընդհ. ժողովը գումարուեցաւ 25 Յունուար 1976 ի Կ.Ե. ժամը 4.20 ին Եկեղեցւոյ սրահին մէջ:

Ժողովիս բացումը կատարուեցաւ Հայր Մերով, առաջնորդութեամբ Գանատայի Առաջնորդական փոխանորդ Գերշ. Տ. Արիս Եպս. Շիրվանեանի:

Ստուգելէ վերջ, ներկայ տրատու անդամներու թիւը, 70 հոգիներ, ըստ կանոնագրութեան թիւ 17 յօդուածին, ժողովս օրինաւոր յայտարարուեցաւ եւ անմիջապէս ձեռնարկուեցաւ օրուայ դիւանի ընտրութեան. ձայներու մեծամասնութեամբ ընտրուեցան Պրն. Վարդան Վարդանեան որպէս Ատենապետ եւ Պրն. Սարգիս Տէրրմէնճեան Ատենադպիր:

Պրն. Վ. Վարդանեան խնդրեց ծխական Ընդհ. ժողովէն որ զանց առնուի ընթերցումը զանազան տեղեկատուութիւններու, որպէսզի կարելի ըլլայ ժամանակ շահիլ: Ժողովս համաձայն գտնուեցաւ բերուած առաջարկին, խնդրելով միւսներէն առնել որ ապագային, հայերէնով գրուած տեղեկատուութիւններուն կցուի նաեւ տեղեկատուութեան ամփոփ մէկ պատճէնը Անգլերէն լեզուով, որմէ վերջ, ձայներու մեծամասնութեամբ վաւերացուեցան նախորդ տարուայ ընդհ. ժողովին Ատենագրութիւնը, ինչպէս նաեւ 25 Ապրիլ 1975ին գումարուած մասնաւոր ծխ. ընդ. ժողովի Ատենագրութիւնը:

Ապա օրուան Ատենապետը հրաւիրեց Գերշ. Տ. Արիս Եպս. Շիրվանեանը որպեսզի զեկուզէ: Գերշ. Տ. Արիս Եպս. Շիրվանեան զեկուզեց երկու հանգամանքներով որպէս Գանատայի Առաջնորդական Փոխանորդ ինչպէս նաեւ որպէս Հովիւ Թորոնթոյի Ս. Երր. Հայց. Եկեղեցւոյ:

Սրբազան Հայրը հակիրճ պատմականը ընելէ վերջ իր Թորոնթօ հաստատուելուն եւ Գանատան Առաջնորդարանով մը օժտելու Ամէնայն Հայոց Կաթողիկոս եւ ծայրագոյն Պատրիարք Ն.Ս.Օ.Տ.Տ. Վազգէն Ա. Վեհափառի փափաքին, աւելի մանրամասն օրէն բացատրեց անհրաժեշտութիւնը եւ մինչ օրս տարուած աշխատանքները ի յաջողութիւն վերել յիշուած ծրագրին:

Վերջին 9 ամիսներու ընթացքին իր տարած զանազան աշխատանքներուն եւ հոգեւեական այցելութիւններուն մասին անրամասն տեղեկութիւններ տալէ վերջ, Սրբազան Հայրը խօսեցաւ Հոգեւոր հովիւի մը կարեւորութեան մասին եւ ըսաւ թէ անոր անհրաժեշտութիւնը զգալի պիտի ըլլայ մօտիկ ապագային, եւ խոստացաւ համայնքը տեղեակ պահել ատենին:

Անդրադառնալով ապագայ կարգ մը ծրագիրներու, Սրբազան Հայրը ըսաւ թէ իր վերջին այցելութեան ի Ս. Էջմիածին, Վեհափառ Հօր հետ համաձայնութիւն գոյացած է որ ամէն տարի, Թորոնթօէն խումբ մը հայ երիտասարդ երիտասարդուհիներ ղրկուին Հայաստան հետեւելու համար հայագիտութեան դասընթացներու որոնք պիտի տեւեն 1 ամիս ամբողջ. ~~այս-ըսաւ-իւ-այս-տարի-ապա-ըսաւ-թէ-այս-տարի-Ս. Էջմիածնի Մայր Տաճարին մէջ տեղի ունենայ Սիւրճուօրհնէնք եւ թէ միւսներէն առնել, հանդիսաւորապէս պիտի նշուի Ն.Ս.Օ.Տ.Տ. Վազգէն Ա. Կաթողիկոսի զահակութեան 20 ամեակը. փափաքելի պիտի ըլլար որ Թորոնթօն ալ իր ներկայացուցիչները ունենայ այդ արարողութեանը:~~

Անդրադառնալով Լիբանանայ գաղութին մատնեւած դժուարին կացութեան Սրբազան Հայրը կոչ ուղղեց դիւրացնելու հանգանակութեան աշխատանքները Հ.Բ.Ը. Միութեան հետ միասին կազմուելիք յանձնախումբերուն: Ազգային ամէն — օրեայ վարժարանի մը շինութեան ակնարկելով՝ կարելոր չէ թէ ով կը սկսի այդ շատ կարելոր գործը, բայց նման բայլ մը պէտք է արժանանայ մեր բոլորին գնահատանքին եւ աջակցութեան՝ ըսաւ ան Ապա անդրադարձաւ նոր եւ մեծ Եկեղեցիի մը շինութեան, կոչ ուղղեց ծխական ժողովիս որպէսզի լիազօրէն ծխական խորհուրդը այդ ուղղութեամբ աշխատանքներ տանելու, ստեղծելով շինութեան յանձնախումբ մը որպէսզի ծխական խորհուրդը առանձինն չմնայ նման ծանօթ պարտականութեան մը առջեւ. փափաքելի պիտի ըլլար որ Եկեղեցւոյս եւ Հ.Բ.Ը. Միութեան միջեւ բանակցութիւններ սկսին այդ ուղղութեամբ եւ թելադրեց որ ընդհ. ժողովս լիազօրէ յաջող ծխական խորհուրդը, սկսելու բանակցութեանց: Սրբազան Հայրը ըսաւ նաեւ՝ թէ մնայուն քարտուղար մը շատ կարելոր է եւ թէ լրջորէն պէտք է մտածել այդ մասին:

Վերջացնելէ առաջ Սրբազան Հայրը շնորհակալութեան խօսք ուղղեց ծխ. խորհուրդի անդամներուն, Ս. Սահակ եւ Ս. Մեսրոպ շքաթօրեայ վարժարանի խնամակալութեան ինչպէս նաեւ Տնօրէնուհիին եւ պաշօնէութեան, դպրաց դասի անդամներուն, դպրապետին, խմբավարին, երգեհոնահարուհիներուն, եւ երգեհոնահարին, ինչպէս նաեւ դպրաց դասու վարչութեան անդամներուն, Տիկնանց յանձնախումբի անդամուհիներուն, Հ. Ե. Ե. Ա. Ա. ի գոյգ վարչութիւններուն, ինչպէս նաեւ սրահիս հոգատար Պրն. Սերոբին:

Սրբազան հօր զեկոյցի մասին եղան կարգ մը հարցումներ որոնց Սրբազան Հայրը պատասխանեց եւ օրուան Ատենապետը անցաւ յաջորդ օրակարգին:

Պատգամաւորներու կողմէ խօսք առնելով, Պրն. Ս. Ատուրեան, բերանացի տեղեկութիւններ տուաւ պատգամաւորական ժողովի տարած աշխատանքներուն մասին: Թելադրուեցաւ որ պատգամաւորական յանձնախումբը այսուհետեւ իր տեղեկատուութիւնը ներկայացնէ գրաւոր կերպով որպէսզի կարելի ըլլայ միւս տեղեկատուութիւններուն նման մեքենագրել եւ ներկայացնել ժողովիս. թելադրանքը փոխուեցաւ առաջարկի եւ վաւերացուեցաւ միաձայնութեամբ:

Պատուարժան ծխական խորհուրդի Ատենապետ, Արմէն Բիւրքեանի տեղեկատուութիւնը արժանացաւ բննադատութեանց, մանաւանդ առաջին իսկ պարբերութեան մէջ մոռացութեան տրուած Փոխ Ատենապետին անուան հիշատակութեան պարագան: Պրն. Կարօ Գավուզեան հարց տուաւ թէ ինչու՞ մոռացութեան տրուած է Ողբ. Տիկ. Փերուզ Պապայեանի Եկեղեցւոյս կտարած նուիրատուութիւնը: Ատենապետին տեղ Պրն. Հ. Սուրին պատասխանելով ըսաւ թէ Տիկ. Փ. Պապայեանի կտակին մէջ այդ մասին ոչինչ կայ, եղածը միայն այդպէս ըլլալու փափաքի նամակ մըն է ստորագրուած Տիկ. Փ. Պապայեանի կողմէ եւ թէ տունը մէջի արժէքաւոր առարկաներով պիտի յանձնուի Լ. Պապայեան հիմնադրամի պատասխանատուներուն որմէ վերջ անոնք իրագործելով Տիկ. Փ. Պապայեանի փափաքը: տունը եւ առարկաները պիտի յանձնեն, Թորոնթոյի Ս. Երրորդութիւն Հայց. Եկեղեցւոյ:

Ատենապետի տեղեկատուութիւնը բննադատուեցաւ նաեւ Ս. Սահակ եւ Ս. Մեսրոպ վարժ. ի Տնօրէնուհիին շնորհակալական խօսք չպարունակելուն մասին, եւ առաջարկուեցաւ որ հրապարակաւ շնորհակալութիւն յայտնուի Տնօրէնուհիին:

Ջանազան յանձնախումբերու տեղեկատուութիւնները ինչպէս նաեւ ելել — մտական տեղեկատուութիւնները ձայներու մեծամասնութեամբ վաւերացուեցաւ բացի, Ս. Սահակ եւ Ս. Մեսրոպ վարժ. ի խնամակալութեան ելելմտական տեղեկատուութեանէն. ժողովս որոշեց որ հաշուեքննիչ մարմինը վերաքննէ հաշիւները եւ ներկայացնէ յաջորդ ծխ. խորհուրդին:

1976ի պիւտճէին մասին լուսաբանութիւններ տրուեցան, ծխ. խորհուրդի գանձապահին կողմէ: Վիճաբանութեան արժանացաւ Նիւ Եորքի առաջնորդարանէն եկած նամակը որով Եկեղեցւոյս տարեկան տուրքը հաւելումի կ'ենթարկուի, առ այդ, եւ դիմագրաւելու համար Եկեղեցւոյս հետգհետէ աւելցող ծախսերը, առաջարկուեցաւ տարեկան տուրքը բարձրացնել 20.00 տոլարէն 25.00 տոլարներու եւ իրաւասութիւն տալ ծխ. խորհուրդիս այդ հաւելեալ տուրքը վճարելու:

եթէ պատգամաւորական ժողովը այդպիսի որոշում առնէ: ժողովս որոշեց տարեկան տուրքը 25.00 տուարներու բարձրացնել եւ անշուշտ հաւելեալ տուրքը վճառել, սակայն նաեւ հրահանգեց պատգամաւորներուն նման որոշումի դէմ քուեարկել պատգամաւորական ժողովի ընթացքին: Տարեկան տուրքը 20 էն 25 ի կը բարձրանայ 1976 Յունուարէն սկսեալ: Որմէ վերջ Պիւտճէն վաւերացուեցաւ:

Ընտրութիւններու անցնելէ առաջ, ստուգուեցաւ քուէարկութեան իրաւունք ունեցող անդամներուն թիւը որ այդ պահուն հասած էր 97 ի պա խնդրուեցաւ ընտրողական յանձնախումբի անդամներէն որ ներկայացնեն իրենց ցանկը:

Պրն. Ժիրայր Փէտէրեան յանձնախումբին անունով խօսք առնելով ներկայացուց թեկնածուներու ցանկը 5 հոգիէ միայն փոխան պէտք եղած 6 ին, եւ այդ առթիւ յանձնախումբի անդամներէն Պրն. Յ. Եփրանոսեան խօսք առնելով ըսաւ թէ շատ դժուարութիւն ունեցած են իրենց ցանկը կազմելու եւ հակառակ անոր միայն 5 հոգիներու համաձայնութիւնը կրցած են առնել որպէսզի ծխ.ի թեկնածու: Պրն. Եփրանոսեան ըսաւ նաեւ թէ այս շատ անհաճոյ կացութիւն մըն է:

Սրբազան հայրը խօսք առնելով ըսաւ թէ այս կացութիւնը ողբալի է. եւ թէ մենք բոլորս որպէս հայ պէտք է մտածենք եւ ունենանք շինարար ոգի, չքննադատենք ծխ. խորհուրդը եթէ չ'ունինք աշխատելու պատրաստակամութիւնը ըսաւ ան. պա Սրբազան Հայրը կարդաց 2 հրաժականներ որոնք տրուած էին իրեն ծխական ժողովէն առաջ, ղրկուած ծխական խորհուրդի 2 անդամներու կողմէ: Սի քանի հոգիներ: առաջարկեցին որ հրաժականները ետ առնուին. Պրն. Մուշեղ Մահապարեան իր հրաժարականը ետ առաւ բայց Պրն. Թորգոմ Զապուենեան հաստատ մնաց իր հրաժարականին: Ժամանակաշրջանը վերջացնող ծխականի անդամներէն երեքը որոնք մինչեւ այդ պահը մերժած էին իրենց վերընտրելիութեան իրաւունքը գործածելու, ընդունեցին վերընտրելի ըլլալ որոնց վրայ եկաւ աւելնալ Պրն. Հ. Սուին, թեկնածուներուն ցանկը բարձրացնելով 9ի: Սրբազան Հայրը դարցեալ խօսք առնելով ըսաւ թէ 5 հոգիներէն որոնք այսօր պիտի ընտրուին վերջինը, այսինքն նուազագոյն ձայնով ընտրուողը պիտի ընտրուի միայն 1 տարուայ համար:

Ընտրութիւնները տեղի ունեցան քաղտնի քուէարկութեամբ եւ արդիւնը ներքեւն հետեւեալ ձեւով:

ԺԱԱԿԱՆ ԽՈՐՀՈՒՐԴԻ ԱՆԴԱՄՆԵՐ ԸՆՏՐՈՒԵՑԱՆ.

Էօտեմիշլեան Եղուարդ	68	2այներով
Սուին Հրանդ	66	2այներով
Գոգորեան Պետրոս	64	2այներով
Սէլեան Մինաս	60	2այներով
Երեցեան Ժիրայր	52	2այներով
Գալբազեան Ժագ	33	2այներով
Ապրահամեան Պետրոս	23	2այներով
Թօսունեան Նուպար	16	2այներով
Մուշեան Պետրոս	12	2այներով

ՊԱՏԳ ԱՄԱԽՈՐԵԱՆ ԸՆՏՐՈՒԵՑԱՆ.

Խոճաճեան Պարգեւ	68	2այներով
Փետերեան Ժիրայր	59	2այներով
Սելեան Հայկ	56	2այներով
Էլմասեան Գրիգոր	44	2այներով
Գաւուզ Արթօ	38	2այներով
Սուին Հրանդ	37	2այներով
Մահուկեան Գ.	14	2այներով

Ընտրողական Յանձնախումբի Անդամներ Ընտրուեցան.

Հոբեան Թազուր	71	2այներով
Պալթայեան Ալեքսան	66	2այներով
Փափազեան Մարտիկ	66	2այներով

Արթին էտճոն	59	Ձայներով
Թրնկրր Վահէ	55	,,
Մանճելիքեան Նշան	36	,,
Պետրոսեան Վահէ	35	,,

Հաշուէքննիչ մարմնի անդամներ ընտրուեցան.

Հուլիճեան Արամ	71	Ձայներով
Նազրճեան Լեւոն	67	,,
Սարգարեան Արմենակ	66	,,
Արթինեան Հարրի	40	,,

ՆՈՐ ՀԱՐՑԵՐ.
.....

Պրն. Պ. Խոճածեան ըսաւ թէ Ողբ. Պողոս Սվաճեան իր կտակին մէջ որոշ գումար մը խոստացած է Եկեղեցւոյս իր քրոջը մահունէ վերջ զանձելի. հիմա որ քոյրն ալ մեռած է ըսաւ ան, ծխական խորհուրդը պետք է հետաքրքրուի այս հարցով եւ նայի թէ եկեղեցւոյս կտակուած գումարը ինչ եղաւ:

Անդամարշաւի հարցին գալով Պրն. Մարտիկ Փափագեան առաջարկեց որ անդամարշաւի ֆանձնախումբ մը կազմուի եւ աշխատանք տանի այդ ուղղութեամբ. Մեծամասնութիւնը համաձայն ըլլալով ըսուածին, ձայներու մեծամասնութեամբ անդամարշաւի յանձնախումբի անդամ ընտրուեցան Պրնք. Վ. Վարդանեան, Նուրել Պէյլէրեան, Կ. Խապայեան, Հ. Մանկոյեան, Գ. Էլմասեան:

Պրն. Կրէկ Գասպարեան առաջարկեց որ այն անդամները որոնց տիկինները անդամ չեն անմիջապէս անդամ արձանագրուին:

Լիբանանահայութեան կացութիւնը նկատի առնելով ըսողներ եղան թէ պետք է կազմակերպուիլ եւ կարողութեան սահմաններուն մէջ օգտակար ըլլալ Գանատա զաղթողներուն: Վիճարանութիւններէ վերջ ժողովս եկաւ այն եզրակացութեան թէ այս հարցով ազգային վերին մարմիններ պետք է որ զբաղին:

Մեծամասնութիւնը փափաք յայտնեց որ նկատի առնենք յառաջացած ժամը, եւ վերջ տանք ժողովին պայմանաւ որ մօտիկ ապագային ժողով մը եւս գումարուի, առկախ հարցերով զբաղելու համար:

Վերջացնելէ առաջ, Պրն. Վարդան Վարդանեան օրուան դիւանի անունով շնորհակալութիւն յայտնեց ծխական ժողովի ն իրենց դիւանին հանդէպ ունեցած անվերապահ վստահութեան համար, որմէ վերջ Սրբազան Հօր աղօթքով եւ խմբական Հայր Մերով ժողովը վերջացաւ կէս գիշերին:

Ի հիմաց

Ս. Երրորդութիւն Հայց. Եկեղեցւոյ
Տարեկան ծխական Ընդհ. ժողովի հիւանին

ԱՏԵՆԱԴՊԻՐ
Սարգիս Տէրրոյնեան
[Signature]

[Signature]
[Signature]

ԱՏԵՆԱԳԵՏ
Վարդան Վարդանեան
[Signature]